



Uimhir 5 de 2016

AN tACHT TOGHCHÁIN (LEASÚ), 2016
[An tiontú oifigiúil]

CLÁR AN ÁBHAIR

Alt

1. Leasú ar alt 13A den Acht Toghcháin, 1992
2. Gearrtheideal, comhlua agus forléiriú

[Uimh. 5.]

An tAcht Toghcháin (Leasú), 2016

[2016.]

NA hACHTANNA DÁ dTAGRAÍTEAR

An tAcht Toghcháin (Leasú), 2001 (Uimh. 38)

An tAcht Toghcháin (Leasú), 2012 (Uimh. 27)

An tAcht Toghcháin, 1992 (Uimh. 23)

Na hAchtanna Toghcháin, 1992 go 2015



Uimhir 5 de 2016

AN tACHT TOGHCHÁIN (LEASÚ), 2016

[An tiontú oifigiúil]

Acht do leasú an Achta Toghcháin, 1992; agus do dhéanamh socrú i dtaobh nithe gaolmhara.

[25 Iúil 2016]

Achtaítear ag an Oireachtas mar a leanas:

Leasú ar alt 13A den Acht Toghcháin, 1992

1. Leasaítear alt 13A (a cuireadh isteach le halt 4 den Acht Toghcháin (Leasú), 2001) den Acht Toghcháin, 1992 tríd an bhfo-alt seo a leanas a chur isteach i ndiaidh fho-alt (3A) (a cuireadh isteach le halt 1 den Acht Toghcháin (Leasú), 2012):

“(3B) Féadfaidh duine úsáid a bhaint as faisnéis sa chlár arna ullmhú faoi alt 13, lena n-áirítear dréachtchlár nó an forlónadh leis an gclár arna ullmhú faoi alt 15, ar faisnéis í atá eisiata ón gclár atheagraithe, d’fhonn saoránaigh Éireannacha a roghnú chun páirt a ghlacadh i dTionól na Saoránach arna ghairm de bhun breith de chuid an Rialtais a tugadh an 21 Meitheamh 2016 agus a ceadaíodh le rún ó gach Teach den Oireachtas.”.

Gearrtheideal, comhlua agus forléiriú

2. (1) Féadfar an tAcht Toghcháin (Leasú), 2016 a ghairm den Acht seo.
- (2) Féadfar na hAchtanna Toghcháin, 1992 go 2016 a ghairm de na hAchtanna Toghcháin, 1992 go 2015 agus den Acht seo le chéile agus léifear le chéile iad mar aon ní amháin.